

來鳳縣志卷之十一

選舉志

選舉之法昉自唐虞周制論鄉升國考德行道  
藝而賓興之漢郡國舉賢良方正孝廉博士弟  
子後或舉茂才或舉明經歲間有詔而無定額  
魏置九品官人之法晉南北朝因之隋始罷而  
更置進士科唐有鄉貢有宏博有秀才明經俊  
士進士書判制舉宋制多依唐舊後分經義詩

來鳳縣志書

選舉

三

賦二科第南宮者曰正奏榜下第者亦次出身  
曰特奏榜自外舍升內舍自內舍升上舍德學  
俱優者曰免省又有鄉貢漕貢特賜皆以進士  
稱殿試始於太祖開寶之六年分甲賜宴始於  
太宗興國之五年專以對策殿試貢生則始於  
神宗熙寧之三年罷詩賦治經義則創自神宗  
熙寧之四年元多紛更而無定例明取士有四  
科曰薦舉曰歲貢曰舉人曰進士八月鄉試中

式者送禮部會試中式者三月十五日於太和殿殿試天子臨軒發策分甲第放榜於天安門外賜進士及第出身有差後復令郡縣學各貢一人又詔于廩膳生員內通選學行俱優者以次挨貢我

朝定鼎科目仍明制

太祖元年首舉選拔後間行之其鄉試中式副榜者准作貢生歲貢府學歲一人州學三歲二人縣學

來鳳縣志書

選舉

畜

二歲一人遇

覃恩以正貢作恩次貢作歲

大慶鄉會恩科廣額

國家興賢育材設科取士之法盡善盡美德教之覃敷無遠弗屆蕞爾來邑寧以僻處南疆而或遺哉思樂頽水雲衢先路今日之青青子衿宜奮迅有為而毋自畫也爰設格目勗茲多士作

選舉志

科貢表

進士

舉人

拔副恩

貢生

歲貢生

來鳳縣志書

選舉

六五

